



*Dan mêt ia i liöstri se mosöra ciamó i atlec dla lüsa te döes gares de slalom gigant paralel.
L'atleta da La Val Shamira Brunner röia sön le scalin plö alt.*

Dan mêt ia i liöstri se mosöra ciamó i atlec dla lüsa te döes gares de slalom gigant paralel.
L'atleta da La Val Shamira Brunner röia sön le scalin plö alt.

La sajun dles gares tradicionales de lüsa alta é ruvida a piz, mo denant co mêt ia i liöstri él ciamo gnü injunté al program döes competiziuns particulares. Sciöche les gares de paralel di schi bel conesciüdes, él gnü organisé döes gares de slalom gigant paralel sön i liöstri, a chères che ince valgügn atlec ladins á tut pert.

Bele la sabeda ai 10 de merz él gnü tigní la pröma dles döes gares a Bramberg sön la pista "Smaragdbahn" fora tl'Austria, olache i miûs atlec de vigni naziun á tut pert. Por la squadra da

La Val s'ha presenté Shamira Brunner al start y tles gares "cé a cé" à l'atleta arpizé la tlassifica cina ruvé al buniscimo 3. post

La jöbia, ai 15 de merz s'á sposta le szenar dla lüsa por l'ultima gara de slalom gigant paralel da sêra a Urtijëi. Ince sce le tēmp ne á nia daidé para, era impó jüda da tigní la finala. L'atleta Shamira é stata la plö asvelta y se aiüdichëia le pröm post do avëi batü l'atleta taliana Kaslatter tla finala. Ala pert ince atres döes atletes ladines: Rubatscher Manuela da La Val toma fora tl pröm rode cuntra la taliana Senn y Nagler Luisa da Lungiarü mēss i la zede al'atleta austriaca Geiger ti cuarti de finala.

Cun chësta ultima competiziun se stlūj jö definitivamēnter la sajun dla lüsa y i atlec pó jí tla meritada palsa. Ann por ann crēsc tres deplö l'interesc por chësc sport, che ti porta a pici y gragn de gran sodesfaziuns. Vignun che ess l'interesc de porvé a se senté sön i liöstri por tó pert a chëstes competiziun fora por düť l'invern é bëgnodü!